



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 02-510/23
Sarajevo, 30.03.2023. godine

KANTON SARAJEVO

31 -03- 2023
[Redacted]

SKUPŠTINA KANTONA SARAJEVO
n/r Elvedin Okerić, Predsjedavajući Skupštine
- o v d j e -

PREDMET: Odgovor na zastupničku inicijativu, dostavlja se.-

V E Z A: Vaš akt broj: 01-04-3621-46/23 od 20.02.2023. godine

Poštovani,

Na Četvrtoj radnoj sjednici Skupštine Kantona Sarajevo, održanoj dana 08.02.2023. godine, u okviru tačke dnevnog reda „Poslanička/zastupnička pitanja, inicijative i odgovori“, zastupnica Elza Gaković, uputila je sljedeću zastupničku inicijativu:

„Podnosim inicijativu za davanje jednokratne pomoći u iznosu od 15.000,00 KM od strane Kantona Sarajevo za sve opštinske i kantonalne GSS KS za kupovinu nove opreme, i to za: GSS Novi Grad, GSS Iliđa, GSS Kanton Sarajevo i GSS stanica Sarajevo“.

ODGOVOR:

Vlada Kantona Sarajevo je na prijedlog Kantonalne uprave civilne zaštite Kantona Sarajevo (u daljnjem tekstu: Uprava) donijela Uredbu o organizovanju službi zaštite i spašavanja i jedinica civilne zaštite specijalizovane namjene Kantona Sarajevo („Službene novine Kantona Sarajevo“, br. 30/13, 29/19, 15/20, 22/20 i 17/22 – u daljnjem tekstu: Uredba), kojom je između ostalog, formirana Služba za spašavanje iz lavina, potrage i spašavanje na vodi i pod vodom u okviru Gorske službe spašavanja, stanice Sarajevo i Gorske službe spašavanja Kantona Sarajevo.

Uprava je u prethodnom periodu u skladu sa Uredbom i Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljnjem tekstu: Zakon o zaštiti i spašavanju), a prema procedurama propisanim Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine Federacije BiH“, br. 4/12, 80/13 i 20/20), iz sredstva ostvarenih po osnovu posebne naknade za zaštitu od prirodnih i drugih nesreća koje prema

člana 180. Zakona o zaštiti i spašavanju pripadaju Kantonu Sarajevo, opremala službe zaštite i spašavanja Kantona Sarajevo koje su organizovane Uredbom, pa tako i Službu za spašavanje iz lavina, potrage i spašavanje na vodi i pod vodom sa neophodnim materijalno-tehničkim sredstvima i opremom.

Uprava je i ove godine na osnovu primljenih zahtjeva od službi zaštite i spašavanja Kantona Sarajevo za njihovim opremanjem, u skladu sa navedenim procedurama i raspoloživim finansijskim sredstvima posebne naknade, nacrtom Plana korištenja sredstava posebne naknade za zaštitu od prirodnih i drugih nesreća za 2023. godinu, predvidjela između ostalog, opremanje Službe za spašavanje iz lavina, potrage i spašavanje na vodi i pod vodom, koja je formirana u okviru Gorske službe spašavanja, stanice Sarajevo i Gorske službe spašavanja Kantona Sarajevo sa ličnom i kolektivnom opremom i drugim neophodnim sredstvima i opremom u skladu sa pozitivnim zakonskim propisima koji regulišu ovu oblast.

Napominjemo da je za potrebe GSS stanica Sarajevo nabavljena veća količina lične i kolektivne opreme, a da je u toku predhodne godine u okviru GSS Kantona Sarajevo formirana Služba, te je navedenim Planom korištenja sredstava od posebne naknade planirana nabavka iste za njihovo nesmetano funkcionisanje.

Nakon što se usvoji Budžet Kantona Sarajevo za 2023. godinu, Uprava će po propisanoj proceduri uz pribavljeno Mišljenje Štaba civilne zaštite Kantona Sarajevo donijeti Plana korištenja sredstava posebne naknade za zaštitu od prirodnih i drugih nesreća za 2023. godinu, a nakon što Štab donese pojedinačne odluke o izdavanju sredstava posebne naknade za nabavku opreme za Službu za spašavanje iz lavina, potrage i spašavanje na vodi i pod vodom, pokrenuti proceduru javne nabavke te opreme u skladu sa Zakonom o javnim nabavkama („Službeni glasnik Bosne i Hercegovine“, br. 39/14 i 59/22) i podzakonskim propisima i drugim aktima, kojima je regulisana oblast javnih nabavki.

S poštovanjem,

Dostavljeno:

- Naslovu;
- a/a.

